



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Lilivm Inter Spinas**

**Sterre, Jean Chrysostome van der**

**Antverpiæ, 1627**

Cap. XI. Ministerio Fratrum applicitus à Virgine Matre instruitur.

**urn:nbn:de:hbz:466:1-43032**

orphano tu eris adiutor. Et iterum:  
Ego autem mendicus sum & pauper: *Psalm. 39.*  
Dominus sollicitus est mei.

## CAPVT XI.

*Ministerio Fratrum applicitus à Virgine  
Matre instruitur.*

**V**ERVM vbi, post profectum scien-  
tiæ & morum, puer Domini à  
Frisia ad propriam Ecclesiam est re-  
uersus; ad seruiendum Fratribus in  
Refectorio cum Fratre alio, se maio-  
re, est aliquando deputatus: quod of-  
ficium licet deuotus impletet; trista-  
batur tamen non modicum, quòd  
præ corporali labore continuo non  
potuit consuetis & debitis orationi-  
bus, lectioni ac contemplationi vaca-  
re. Doluit enim auferri à se partem  
optimam, quam iam dudum elegerat:  
videlicet, aut sedere ad pedes huma-  
nitatis tuæ, Domine I E S V, aut audire  
verbum tuum, quod & ore & exem-  
C plis

plis nobis ministrare dignatus es; aut  
 Psalm. 54. assumptis alis columbe, cum illis qua-  
 tuor animalibus, ad Diuinitatis tuæ  
 Psalm. 33. faciem subuolare, gustareque & vide-  
 re tuam, Domine, suauitatem: quam  
 illi profectò perfectiùs percipere con-  
 sueuerunt, qui actu fuerint minorati.  
 Sensit hoc puer, qui iam in adolescen-  
 tiæ processerat pubertatem: & agrè à  
 speciosæ Rachelis auellebatur am-  
 plexu. Videns igitur Mater misericor-  
 diæ, adoptatum sibi filium, pro caus-  
 sis huiusmodi grauer animo tabe-  
 scentem; suam illi præsentiam exhibe-  
 re curauit: & consueta illi suauitate  
 blandita, quomodo se haberet, scisci-  
 tata est. At ille, se competenter habere  
 respondens, hoc vno se asseruit valdè  
 grauari: quòd quotidianis grauatus la-  
 boribus, orationibus consuetis vacare  
 non posset; & præcipuè illis, quas se-  
 cundùm Ordinis constituta deberet.  
 Sentiens pia Mater, adolescentem ze-  
 lum quidem bonum habere, sed non  
 secun-

secundum scientiam; breui quidem, sed eximia illum sententia sic instruit: Scias, inquit, nullum maius debetum te debere, quam ut in charitate seruias Fratribus tuis. Dixit; & fecit intelligere docibilem adolescentem, quod dixerat; ut depositam timoris sarcinam, Fratribus de cetero cum securitate seruiret. Necessarium reor, murmuratores in hoc praesenti sermone moneri, qui ad omne officium sibi iniunctum remurmurant & oblatrant; & cum conuenientes excusationes suae pigritiae, & (quod periculosius est) inobedientiae inuenire non possunt, in iniunctis officiis sua se preterdunt deuotione fraudari. Cuncta paene Monasteria talibus querimonijs sunt repleta: in tantum ut vita Praelatorum (quibus incumbit de singulis officijs ordinare) per tales ad amaritudinem perducatur. Audiant, utinam, utinam & exaudiant, Matris Domini I E S V plenum auctoritate responsum: nul-

*Dei mater  
eum conso-  
latur &  
instituit.*

lum magis debitum se debere, quàm Fratribus cum charitate seruire. Sciât etiam, tale seruitium debito sibi præmio minimè cariturum; cùm seruorum bonorum, fidelium, & non pigrorum, remunerator aduenerit Christus I E S V S, qui seruum pigrum, à bono torpentem opere, pro sola pigritia condemnabit. Timeas, ô Frater, quicumque\*, pigri te serui, & talentum sibi creditum nolentis expendere, sententia condemnandum; si cor ad meditandum, linguam ad corrigendum, vocem ad cantandum alacriter & legendum, manus ad operandum, pedes ad ambulandum, in iniunctis tibi officijs nolueris exercere: semper habens in mente, talentum esse Domini tibi creditum; quidquid in omnibus animæ viribus, quidquid in omnibus membris corporis, tibi à Domino, districto iudice, est collatum.

\* Piger  
(aut talis)  
es; deesse  
videtur.